

ԱՐՏԱՔԻՆ ՏԵՍՈՒԹԻՒՆ

ՆԱՄԱԿ ԹԻՒՐԳԻԱՅԻՅ

Պրինկլիպո, 8 յուլիսի

Այս անգամ ձեզ կը գրեմ ի. Պոլսի չրջակա-
ներէց, այն կղզիներէց, որոնք ասօվում են իշ-
խանաց կղզիներ (Iles des princes) այն պատ-
ճառով, որ յուսաց տիրապետութեան ժամանակ
այդ կղզիները շատ իշխանազուններէ և բարձր
հոգեւորականներէ համար քաղաքացիներ են ծառա-
ցել: Այդ սիրուն կղզիները այժմ, ամառ ժամա-
նակ ի. Պոլսի բարձր հասարակութեան համար
փոխարինում են նոյնը, ինչ Վոջօր, Բորժօմ և
Մանգլիս թիֆլիսացոց համար: Այդ ծովային, մօտ
հարկուր վերստ ճանապարհորդութեամբ պարտա-
կան եմ մի զմեռնիացի հայ ընտանիքի հրաւե-
րին, որի նախագետն էր Բարդիսան-Լիֆլիցի այն
անհաւանքիցն է, որոնց մեծ պակասութիւնը չա-
փազանց հայամուրթիւնն է կազմում, այդ պա-
տուարժան անձի ազգամուրթիւնը այնչափ հե-
տաքրքրութեան է հասել, որ ի. Պոլսի գրեթէ
բոլոր հայ կաթողիկոսները գիտեն, որ նա շատ
լաւ իմանալով չորս-հինգ լեզուներ, ոչ մէկ հայ-
կաթողիկոս հետ երբեք չէ խօսում ուրիշ լեզու,
բացի հայերէնից: Այս կը նշանակէ հայ կաթողի-
կոս համար կամ բոլորովին հրաժարովի նորա ծա-
նօթութիւնից կամ թէ զանազան կարիւր առե-
տրական գործերով կապված լինելու պատճառով,
խօսել նորա հետ հայերէն, կրելով սրտի մէջ ա-
մենաճանր անձնական վիրաւորանք:

Հասունի տեղ, ինչպէս արդէն գրեցի,
կաթողիկոս ընտրվեց Աղաբեան Ստեփան-
նոս ևսկիսկոպոսը, որը դառաւ հիմայ Պետ-
րոս X-երորդ: Այս դիրքը, որից Աղաբեանի
եղբայրները օգուտ քաղելով մի քանի տարից
յետ կը լինեն Թիւրքիայի առաջնակարգ հա-
րուսանքից, Թիւրքիայից գնվեց մօտ հարկուր
հազար ռուբլ կաշառով և բերել տալով Հայաս-
տանից մի քանի հազար կաշառված կամ թէ
կեղծ ընտրողական ստորագրութիւններ: Մեր
կղզի գնացած օրը, ուր ընկերակցում էին մի
հայ և մի անգլիացի բարեկամներ, Աղաբեանը
մեծ հանդէսով տօնում էր իր ընտրութիւնը: Այ-
ցելուներէ և հանդիսակիցներէ խուսառ բազմու-
թեան մէջ չէր կարելի ներկայ չը գտնվիլ և մեզ
տօնակատար կրճատարը ոսկիներով էր զար-
դարված և կոկված: Ձեռքերը և կոշիկները
բարձած էին գոհարեղէններով և թանկագին քա-
րերով: Վրան ունէր ամենաբաց գոյնով կար-
միր վերաբերու և երեսը ծայրերից սփռած
ու մկրատած էր: Խուսառ բազմութիւն հայ-
կաթողիկոս կանանց և աղջկանաց դաս դաս դալիս
էին և հիացմունքից թուլկոտելով համբուրում
էին նրա ձեռքը, կօմպլիմենտներ ստանալով ի
հարկէ միայն թիւրքերէն լեզուով: Երկու բարե-
կամներէս, անգլիացի պ. Բ. Գիտտմէր այս տե-
սարանը և չը կարողանալով զսպել իրան, բացա-
կանից վերջապէս. «յոյների մէջ պակասութիւն-
ներ շատ եմ նշմարել, բայց տեսնելով այսպիսի
հայերին, հիմայ հարկուր անգամ կասեմ «կեցցեն
յոյներ», որոնցից յոյն կաթողիկոսները ոչ պակաս
ազգաւոր յոյներ են քան թէ ուղղափառ յոյ-
ները: Նոյնն են և բողոքական և նաև մահմետա-
կան յոյները կրեան և Սալոնիկի մէջ:» Էլ կարող
էք երեւակայել թէ ինչպէս պիտի տրորվէր այս
խօսքերից նոցա լսող հայու սիրտը: Յոյնի հա-
մար զլխաւորը ազգութիւնը և մայրենի լեզուն
է, իսկ հայի համար զլխաւորը կրօնն է, իսկ
ազգութիւնը և մայրենի լեզուն ոչինչ: Նշանա-
կութիւն չունեն նրա համար:

Բայց ինչ ճառ կայ վերջապէս այսպիսի ազ-
աւոր ուղղութեան առաջն առնելու համար, ո-
րով մեր ազգի պէս մի փոքրիկ և մեծ պետու-
թիւններէ հետ ոչինչ կրօնական և արիւնակցա-
կան առնչութիւն չունեցող ժողովուրդ, բաժան
բաժան եղած չը քայքայվի և կորչի զանազան
կրօնական աղանդների մէջ: Այս կարելի խնդրին
մի բաւարար պատասխան տալու համար, դար-
ձեալ կը գանք «Մշակի» տեսակէտին, այն է,
օտար ցեղերին և կրօնաբաժան հայերին միմեանց
հետ կամաց կամաց մօտենցնելու և կապելու հա-
մար, հարկաւոր է ոյժ տալ Հայաստանի մէջ մը-
շակութեան և արհեստից ծաւալման, որի մէջ
չունենալով ոչ կրօնական շարժառիթներ և ոչ
արդեւորներ, մաստղ սերունդը կարողանայ կապ-
վել հացի և նրբեկան պահանջների համարա-
խօթեամբ, որով նա կը գնէ և հաշտութեան

և միութեան հիւնքը: Միթէ մեր կողմաւ հայ
ուսումնարաններ և Հայաստանի ուսումնարան-
ների մէջ մինչև հիմայ բռնած վերացական ուղ-
ղութիւնը քիչ համոզեց մեզ թէ վերացական
ճանապարհով ոչինչ միութիւն գլուխ դալու բան
չէ: Այս չէ միթէ «Մշակի» համոզմունքը. եթէ
այս է, ինչո՞ւ ուրեմն Միացեալ ընկերութիւնը
յամառվում է, շարունակելով 27,000 ուսում առ-
նող երեխաներ ցոյց տալ մեզ Հայաստանի մէջ,
միթէ այս մասին էլ խօսենք մենք սոցա հետ
երես առ երես իրանց սեփական լրագրիւնների
մէջ, ցոյց տալով իրանց ակներև սխալը... Լաւ,
զիցուք թէ փոխանակ իրանց յայտնած քօսան
ու և օթը հաղարի, Հայաստանի մէջ կայ և ե-
րեւ հարկուր և օթ անասուն հազար ոտա-
նաւոր սովորող մանուկներ, բայց ինչ օգուտ
արդեօք այդ ամենից Հայաստանի վերոյիշեալ
ցտիւն և իրական շահերին: Խօսելու ժամանակ
սոքա ասում են թէ մեզ հետ և մեր կարծեաց
բոլորովին համաձայն են, բայց գործը իրականի
զալով, տեսնում ենք, որ սոքա սալկարայ կեր-
պով հակառակն են անում, որովհետև ամենին
չեն ուղղում յետ կանգնել իրանց բռնած «յոյն»,
«մթեր» ու «հոգու» ուղղութիւնից: Միթէ վերջա-
պէս մենք, ուսումնասիրու, Հայաստանի աշխարհ
կենսական շահերի վերաբերմամբ, գիտակցաբար
պիտի ծառայենք և գործիք լինենք ի. Պոլսի
տիրացու- քաղաքագէտների երեւակայական և
խաբուսիկ ձեռնարկութիւններին: Կը կարծեմ,
վաճառող պարտաւորութիւն եմ համարում յիշեց-
նել ձեզ, որ ձեր հինգ առաջնորդող յօդուածնե-
րով յայտնած առաջարկութիւնները մասին մին-
չե որ Միացեալ ընկերութիւնը ձեզ պաշտօնա-
կան հաշիւ չը տայ, այստեղի հասարակութիւնը
չէ կարող ըստ արժանոյն գնահատել այդ առա-
ջարկութիւնների ոյժը, որ արեւ է հենց այն
խմբագրութիւնը, որը ինքն է եղել սոցա հաս-
տատութեան և միացման գլխաւոր պատճառը:

Կղզիի վրա հիւրասիրվելով ինձ յաջողեց ծա-
նօթանալ շատ յոյն գրագէտների հետ, որոնց
մէջ առանձին համակրութեամբ և բաւականու-
թեամբ լսեցի հռչակաւոր յոյն լրագիր «Կեօթո-
ղոսի» խմբագրի կարծիքները: Խօսելով ազատ
Յունաստանի մասին, յարգելի գրագէտը խստիւ
զանգատվում էր այն կապկոթեան վրա, որով
յոյները աշխատում են ամեն քայլափոխում
բազմապիսի իրանց ուսումնարանների և բարձրա-
դաս ձեռնարանների թիւը առանց սակայն եր-
կրագործութեան և արուեստավարժութեան վրա
հոգալու: Այս է պատճառը, ասում էր նա, որ
Յունաստանը ունենալով Ֆրանսիայից և Անգ-
լիայից տասնապատիկ աւելի գրագիտութիւն և
ուսում, օրէցօր մինչդեռ այնչափ նիւթաւորապէս
ընկնելու վրա է, որ չը գիտենք թէ վերջը ո՞ր
պիտի երթայ: Իսկ երբ ես և իմ հայ ընկերա-
կիցս յայտնեցինք թէ մինչև թիւրքաց Հայաս-
տանի մէջ որ և է բարենորոգում և քաղաքական
կազմակերպութիւն մտցնելը, հայ մամուլը սկսել
է արդէն հետամուտ լինել հայրենեաց մէջ բըռ-
նելի երկրագործական և արուեստավարժական
ուղղութեան, մեր յոյն բարեկամը բոլոր եռան-
դով մեկնեց իր ձեռքը շնորհաւորելու համար:
«Յոյները և հայերը, ասեց նա, երկու միակ աղ-
գերն են, որոնց քաղաքական շահերը աւելի մօտ
և աւելի սերտութեամբ են կապված, քան թէ
որ և է ուրիշ ազգերի, վասնորոյ մենք պարտա-
ւոր ենք միմեանց հաղորդել մեր պակասութիւն-
ները, որ մէկը մեզանից չընկնէ այն սխալմունք-
ների մէջ, որից տարիներով վնաս է տեսել միւ-
սը: Ուրեմն շնորհաւորում եմ ձեզ, կրկնեց նա,
առանձին խնդակցութեամբ, որ դուք ձեր գործի
գեռ սկզբում արթնացել էք և գտել ուղիղ ծա-
նապարհը:» Ինչո՞ւ են յամառվում բայց այս տե-
ղի «հետադուտ» ասված երկասարկները «Մը-
շակի» խորհուրդներին չը հետեւելու մէջ, չեմ
կարող ամենին հասկանալ:

Ինչպէս Պրինկլիպո կղզու լուր կարող եմ հա-
ղորդել թիֆլիսի հայ հասարակութեան, որ նա
բաւականութիւն կունենայ տեսնել շուտով իր
մէջ հիւր այս տեղի մեծանուն գեղարտանից
մի տիկին, որի մէջ իղեալական հայուհու ամե-
նաբարձր բարոյական, մտաւոր և պլաստիկ գծերը
այնչափ են ամփոփված, որ թիֆլիսի օտարամու-
տիկները կարող են իրանց աչքերով համոզվել
թէ ինչ ասել է զուտ և անխառն հայուհին: Թիֆ-
լիսի այս թանկագին հիւրը, որը կը գալ այցելել
ձեր քաղաքում իր երկու ազգակցութիւններին, բնիկ
զմուռնիայի հայկական տիպի և բարբառի վրա:

Վաղը մտադիր եմ վերադառնալ ի. Պոլիս,
ուր երեւի զիջվել են բաւական հետաքրքիր լու-
րեր ձեզ միւս անգամ հաղորդելու համար:
Գրեցի Նիկողոսեան

ԱՐՏԱՔԻՆ ԼՈՒՐԵՐ

—Ի. Պոլսից հեռագրում են լրագրիւններին որ
Միգհաթ-փաշային մահվան գատապարտելը շատ
մեծ յուզմունք է պատճառել ի. Պոլսի մէջ:
Արդուր-Համիդ սուլթանի հակառակ կուսակցու-
թիւնը այն ստիճան յուզված է որ կարելի է
վարենալ մի պալատական յեղափոխութիւնից:
—Վիեննայի «Presse» լրագրին հեռագրում են
որ շատերը ի. Պոլսի հայ-կաթողիկոսներից դժգոհ
են Աղաբեանի նշանակելուց հայ-կաթողիկոս
թողիկոսի պաշտօնի վրա: Երկուր են կրում որ
դարձեալ հերձուած կարող է տեղի ունենալ:
Լուր կայ որ Բ. Գիտուր վարենալով մի նոր
հերձուածից, գիտաւորութիւն ունի անվաւեր հա-
մարել Աղաբեանի նշանակութիւնը:

—Գերմանիայի մի քանի տեղերում շարու-
նակվում են հակահրեական շարժումներ:
—Լօնդոնից հեռագրում են որ անգլիական
միւնիստրութեան մէջ կընդունվի նախկին անգ-
լիական դեսպան ի. Պոլսի մէջ, պ. Գօշէն:
—Գրէնվիլ պահանջել է Ֆրանսիայից որ Տը-
րիպոլիս պատերազմական գործողութիւններից
ազատ մնայ:

—Ֆրանսիայի մի քանի քաղաքներում, Լիո-
նում և Գրենօրում զգալի եղան յուլիսի 9-ին
երկրաշարժի հարուածներ:

—Լօնդոնի «Times» լրագրին Տունիսից հե-
ռագրում են, յուլիսի 18-ից հետեւալը. «Արա-
բական ձիւսոր աւազակների մի խումբ, որ բաղ-
մաթիւ ուղտեր էր յափշտակել Տունիսի շրջա-
կաններից, յարձակվեց մէկ կալուածքի վրա, որ
մայրաքաղաքից տաս մղոն հեռու է գտնվում:
Արտւմ են, որ այդ խմբին մի ուրիշ խումբ էլ
կատեւանայ: Տեղացիների մէջ մեծ յուզմունք է
տիրում: Այստեղ կարծում են, որ մեծ անկար-
գութիւնների կը պատահեն: Բէյը գործեր ուղար-
կեց Տունիսի ներքին գաւառները, բայց հաւա-
սացած չէ, որ իր զինուորները կը կուսեն ապա-
սամբներին հետ:

—Լրագրիւններն հաղորդում են Փարիզից յու-
լիսի 20-ից հետեւալը: «Սֆակա վերցնելու լուրը
ստանալով, Տունիսի բէյը հեռագրով շնորհաւո-
րեց Բուստանին այդ յաղթութիւնը և նրան իր
ուրախութիւնը յայտնեց կարգը վերականգնե-
լու համար:»

ԽԱՌՆ ԼՈՒՐԵՐ

Մի փաստ մեր ուսումնարանական կեան-
քից:
Մի փոքրիկ օրիորդին հարցնում են թէ ինչ-
պէս է հայերէն գաղէտ:
—Մշակ, պատասխանում է մանուկը:

Թիֆլիսի հայոց ուսումնարաններից միում
հարցաքննութեան ժամանակ մեր երիտասարդ
քահանաներից մինը ուղեւալով հասկանալի կեր-
պով բացատրել մանուկներին թէ ինչ է եկեղե-
ցին, հարցնում է մի ութ տարեկան աշակեր-
տուհուն:
Ես և դու ինչ եմք:
—Եղբայր և քույր, պատասխանում է աղ-
ջիկը:
—Ոչ, որդեակ, և կ եղ եցի եմք, բացատրում
է ուսեալ քահանան:

Մեզ գրում են Ղարաբլիսայից, «Թեմական
տեսչի» օգնական պ. Պետրոսեանց եկաւ Ղարաբլի-
սա, ուսուցչական և հոգաբարձական ժողովներ
կազմեց, դպրոցի մի քանի պակասութեան վրա
խօսելով, կարողացաւ դպրոցի հաշիւները ի լուր
ամենաքիչ: Նա պարտաւորեցրեց հոգաբարձու-
թեան որ մինչև օգոստոսի վերջը դպրոցի բոլոր
պակասութիւնները հոգան: Գաղտնի պարխալը
արդէն վերջացրել են, բակի մէջ բացված դու-
քանների դռներից մի երկուսը քարով շարել են,
արտաքննող համարեա վերջանալու մօտ է: Մը-
նում է մի դուռ քաշ անել և ամեն տեսակ
օտար երթեկուղիներ կտրել և դպրոցը ազատել
այսքան երկար խօսակցութեան առարկայ լինե-
լուց:»

«Պատկ» լրագրում կարգում ենք: «Ասում են
որ Վ. Կ. Կաթողիկոսը յայտնել է ցանկութիւն
կտակել յանուն իր կառուցած Գէորգեան ճեմա-
րանի 1,500,000 ռուբլ իր սեփականութիւնից:»

«ՄՇԱԿԻ» ՀՆՈՒԱԳԻՐՆԵՐ

ՄԻԱԶԳԱՅԻՆ ԸՆԿԵՐՈՒԹԵՆԻՅ

Ս. ՊԵՏԵՐՅԱՆԻՐԳ, 15 յուլիսի: Նորին
կայսերական Բարձրութիւն Մեծ Իշխան
Կոնստանտին Նիկոլայիվիչ իր խնդրի հա-
մեմատ արձակված է հետեւալ պաշտօնե-
րից:—Պետական Խորհրդի նախագահու-
թիւնից, գլխաւորական ծառայութեան մա-
սին առաձին հիմնարկութեան նախագա-
հութեանց, գլխական կազմակերպութիւնը
կարգադրող գլխաւոր մասնագիտիկ նախա-
գահութեանց, նաւատորմը և ծովային բա-
ժինը կառավարելուց, մնալով Գլխաւոր-Աղ-
միրալ, Գլխաւոր-Աղիւստանու և այլ պաշտօն-
ների և կոչումների մէջ: Մեծ Իշխան Ալեք-
սէյ Ալեքսանդրովիչ նշանակված է նաւա-
տորմի և ծովային բաժնի գլխաւոր հրա-
մանատար Գլխաւոր-Աղմիրալին փոխարինելու:

Ս. ՊԵՏԵՐՅԱՆԻՐԳ, 15 յուլիսի: Նորին Բար-
ձրութիւն Մեծ Իշխան Միխայիլ Նիկոլայե-
վիչին հրամայած է վարել Պետական Խոր-
հրդի նախագահի պաշտօնը, պահելով բո-
լոր միւս պաշտօնները և կոչումները:

Ս. ՊԵՏԵՐՅԱՆԻՐԳ, 16 յուլիսի: Պետական
բանկի 5% տոմսերը առաջին շրջանի ար-
ժէ 95 ռ. 62 կ., երկրորդ 94 ռ. 50 կ.,
երրորդ 94 ռ. 75 կ., չորրորդ 94 ռ. 25 կ.,
ներքին առաջին 5% փոխառութեան տոմ-
սակը արժէ 223 ռ. 25 կ., երկրորդ 222 ռ.
25 կ., արեւելեան առաջին փոխառութեան
տոմսակը արժէ 92 ռ., երկրորդ 92 ռ.
12 կ., երրորդ 92 ռ. 12 կ., ոսկի 7 ռ. 80
կ.: Ռուսաց 1 ռուբլ Լօնդոնի վրա արժէ
25,21 պէնս, ուսուց 100 ռ. Գերմանիայի
վրա արժէ 216 մարկ, Փարիզի վրա արժէ
266 ֆրանկ: Բօրսայի տրամադրութիւնը
ամուր է:

Ս. ՊԵՏԵՐՅԱՆԻՐԳ, 17 յուլիսի: Պաշտօնա-
պէս հաղորդում են, որ երէկ 3³/₄ ժամին
Կէսօրից յետոյ Թագաւոր կայսրը, Թագուհի
կայսրուհին, Մեծ Իշխան Թագաւորաւորը
և Մեծ Իշխաններ Գէորգի և Ալեքսէյ Ա-
լեքսանդրովիչ ճանապարհ ընկան Պետեր-
բուրգից Մոսկովա ուղեկցութեամբ մինիստր
կոմս Իդնատիէվի, կոմս Վօրոնցօվ-Գաշկովի
և Բարձրագոյն Սպիտայի:

«ՄՇԱԿԻ» ՊԵՏԱՍԽԱՆՆԵՐ

—ԱՆԼԷՔԱՆԴՐԱՊՈԼԻ. Գր. Խ. Ձեր անունով էլ
ստացվեցաւ խմբագրութեան մէջ մի օրինակ է-
մինի նոր աշխատութեան:

—ԲՐԺԺՄ. Օր. Մ. Շատ շնորհակալ ենք ձեր
ուղարկած նամակի համար:

—ԵՐԵՄԻԱՆ. Նորայր. Տպեցինք ձեր թղթակ-
ցութիւնը, բայց պատասխանատուութիւնը ձեզ
վրա ենք թողնում:

—ՇԱՄԱԽԻ. Բ. Մենք չենք ընդունում յանձ-
նարարութիւններ գրքեր առնելու և նրանց այլ
և այլ քաղաքներ ուղարկելու: Միայն այն գրք-
երի փողն ենք ընդունում, որոնց մասին յայտ-
նում ենք մեր լրագրում թէ ծախվում են «Մը-
շակի» խմբագրատան մէջ: Բայց եթէ տպում
ենք «Մշակի» մէջ յայտարարութիւն թէ այս ինչ
գրքեր ծախվում են «Կենտրոնական» կամ «Լույ-
կաւեան» գրաւաճառանոցներում, այդ չէ նը-
շանակում թէ փողը պէտք է մեզ ուղարկվի:
Փողը պէտք է ուղարկել այն գրաւաճառանո-
ցին, որ ծախում է գրքերը և նրանից պահանջ-
ներ ունենալ: Եթէ, օրինակ, յայտարարութիւն
ենք տպում թէ այս ինչ տեղ ծախվում է մա-
զ եր ս ե ա ճ ո ղ ղ ե ղ, միթէ մեզ պէտք է փող
ուղարկէք այդ տեղը ստանալու համար և մեզա-
նից կը պահանջէք որ մենք ձեզ ղեղը ուղար-
կենք: Մեր լրագրում տպված յայտարարութիւն-
ների համար զ ա կ ա ղ ն եր մենք չենք կարող
յանձն առնել: Միթէ ամեն բան պէտք է բա-
ցատրել հայերին:

Խմբագիր—հրատարակող ԳԵՐԳՈՐ ԱՐՄԵՐՈՒՆԻ